

晚清名儒年譜

陳祖武先生選
清人年譜系列

◎本社影印室 輯

◎北京圖書館出版社

陳垣先生
清人年譜系列

◎本社影印室 輯

◎北京圖書館出版社

晚清名儒年譜

⑫

第十二冊目錄

桐城吳先生年譜(吳汝綸)	四卷	郭立志編		一
文芸閣先生年譜(文廷式)	四卷	錢萼孫編		三三五
汪穰卿先生年譜(汪康年)	一卷	傳一卷	汪詒年編	
劉陽譚先生年譜(譚嗣同)	一卷	陳乃乾編		五五九
方山民紀年詩(方觀瀾)	一卷	方觀瀾編		五七七

桐城吳先生遺像



圖中坐者爲樂甫先生
侍者爲北江公子時當
清光緒二十八年先生
六十三歲公子才二十
四歲耳先生以續學大
師往日本考求學制並
遣公子負笈東遊此誠
勝朝變法育才之機根
遽意先生歸國不數月
竟以積勞不起今北江
先生續緒先業巍然爲
儒林山斗文采光芒後
先輝映世之覽此圖者
其爲慨慕當何如也

清苑郭立志敬識



此图选自《中国书画函授大学教材》
作者：[姓名] 单位：[单位名称]

桐城吳先生年譜序

桐城吳摯甫先生主持北方文教三十有餘年晚年主講蓮池書院尤久士論翕然歸附立志近接里閭固已飫見習聞蓋自海宇大通新機勃發枌窰古數千年未有之奇局政治學術之蒸變皆有瞬息萬里之勢而近數十年來實爲新舊交乘之樞紐加以國際風潮波湧雲湧曾無軌轍之可循學者狃於素習莫不目駭耳回碣焉失其所守先生於五六十年前蚤已洞燭幾先貫穿舊籍得其指歸而於新學新理之突進復能廓其大公之量虛己以迎納之新編譯冊掣窮誦講不勝其勤與東西國名流學子抵掌論交傾懷輸寫嘗默揣推遷之大勢而毅然有以豫爲之謀以爲異日開新之資地其所推闡敷陳班班具在壹皆切實可立見諸施行非徒爲大言望空駕說者比蓋先生之宏謨偉抱所醞釀者如此故卓然爲當代之大師文明之先導世人不察徒以一代文章之宗匠目之未足以盡先生也先生旣沒遺書陸續刊行獨年譜一編尙付闕如先生門人從事編輯者數家至今未出立志有意於此

爰於暇日取先生詩文尺牘日記各編擷其精微綜其綱要逐次排列漸有端緒又與先生子北江過從得窺其家藏遺墨手稿未及刊布者稍稍裒集積久乃克告成間有疑義遣兒子崇元數從北江質問務得當乃已蓋先生生平所守非僅一家之學說所以通中外之郵執古今之契者爲用至宏而其端甚簡得此而擴充之庶幾有弘通特出之才奮起以應未來之變不支不懦蔚爲通儒則學術與世故相需而不至有泥古拘墟之誚是先生衷懷所希冀而隱以策厲於無窮者也世之讀先生書者能慨然有與於是則先生之蘄望爲不負矣斯編也雖目爲江海之酌蠡崇邱之累土其亦何說之辭編輯既竟爰發其大意如此

中華民國三十二年夏五月清苑郭立志序

桐城吳先生年譜目錄

清苑 郭立志 子心 編輯

男 崇元 君善 參校

卷一

起道光二十年庚子訖光緒十四年戊子

卷二

起光緒十五年己丑訖二十九年癸卯

卷三

文集箋證

卷四

詩集箋證

著述表

門弟子表

附錄

桐城吳先生年譜卷一

清苑 郭立志 子心 編纂

男 崇元 君善 參校

道光二十年庚子 公年一歲

公諱汝綸字摯甫庚子九月二十日生於桐城南鄉高甸之劉莊莊爲公考妣所

購置也

同治戊辰日記今歲春大人新置廳事三間始落成是宅本家人舊業先祖愛其基址貧無以購家母出裝匱置之誅茆植竹居之垂四十年而廳

是始落成至

考諱元甲字育泉歲貢生咸豐元年舉孝廉方正以行義高鄉里

喜治市生

子詩云昔我先君子文行高巍巍蕭條四壁中天瑞生盤芝長老作歌頌以爲鄉鄰規

妣馬氏張濂亭有吳育泉徵君墓志

銘吳母馬太淑人祔葬志敘述懿行甚備公兄弟四人公次居仲兄汝經字肫甫

長公六歲弟汝繩字詒甫少公九歲汝純字熙甫少公十三歲惟詒甫筮仕山東

歷任汶上陽信知縣姊一人適同邑蘇氏公娶汪夫人生女四人適無錫舉人薛

翼運桐城舉人汪應張貴州提學使翰林院侍讀膠州柯劭忞直隸知縣同邑王

光鸞側室歐氏生子一人。闔生女一人。適桐城姚永保。孫一人。防。孫女五人。皆公卒後始生。曾孫三人。光熊。光燾。光熹。

二十一年辛丑 公年二歲

二十二年壬寅 公年三歲

二十三年癸卯 公年四歲

二十四年甲辰 公年五歲

二十五年乙巳 公年六歲

二十六年丙午 公年七歲

二十七年丁未 公年八歲

二十八年戊申 公年九歲

二十九年己酉 公年十歲

三十年庚戌 公年十一歲

洪秀全起廣西。

咸豐元年辛亥 公年十二歲

日記某十二歲始爲論說之文。自記制義文後云某生二十有二年矣。自束髮受書家君教以制義之文學之今十年未工也。

二年壬子 公年十三歲

三年癸丑 公年十四歲

桐城爲賊所陷。育泉公避亂山中。公隨侍讀書。時官軍自桐城潰。育泉公以從軍之後館于樅陽。主人懼禍爲變姓名。家駸慈六十雙壽徵言略桐城陷賊凡十年官軍每至資巡視檄聯結義故縣人輒推主之育泉公有詩云平生笑我非張祿呼馬呼牛任自譁。

四年甲寅 公年十五歲

洪秀全據金陵。

五年乙卯 公年十六歲

六年丙辰 公年十七歲

七年丁巳 公年十八歲

八年戊午 公年十九歲

九年己未 公年二十歲

十年庚申 公年二十一歲

英法軍入京。帝狩熱河。是年春。公兄弟同遊浮山。詒甫熙甫皆有詩。育泉公

詩集。公有注云。庚申春。某偕家兄携繩弟純弟登浮山。時兩弟均未讀。余戲令並作浮山詩。純高唱一絕。余與兄皆驚異。久之。繩成五言短古詩一首。頗得佳趣。朋輩皆激賞焉。庚申辛酉兩年。桐城被寇最甚。公亦避地他所。伍烈女傳云。庚申冬。粵賊由廬江竄縱陽。居民奔匿。百數十里爲一空。楊壽山先生墓銘云。庚申官軍臨桐城。援賊大至。劫殺益橫。死者枕藉。左忠毅公畫象記云。庚申冬。以亂僦居公故宅。從左君質夫所。求公遺書而讀之。

十一年辛酉 公年二十二歲

八月官軍復安慶桐城。時鄉里被賊。公兄弟奉母避亂東鄉。家貧。摘野茹爲食。拾薪煮藥奉親。育泉公爲鄉里辦賊。以軍事留西鄉。數月不相聞問。章冠整傳冠整既卒之二年。余避亂至東鄉。鄉人每津津談冠整事。有泣者。曰。猶記章冠整殺賊突圍時也。

同治元年壬戌 公年二十三歲

九月育泉公應江西武寧翁小田大令延緒之招。課其子立德讀。歲暮還家。延緒旋病歿。祭翁大家文云。大家之兄。昔官西江。賓筵我君。以其子從。案延緒以翰林院庶吉士

散館爲江西武寧知縣卒官立德受學後亦成進士見翁大家墓碣銘

十月大病昏不知人。經時乃愈。既愈作嘔

記。文曰。南華子者。不知何許人。嘗以病而狂惑。爲嘔語。既愈。而以爲幻也。因有味於莊子之書。遂自號南華子。南華子自述其嘔語曰。始吾家故貧。年二十無所知名。頗能爲文章。以貧故。冀投時好。其文不甚高。然竟以此取甲科。登金門。上玉堂。

聲名通顯。得志而歸。車徒供帳。震耀鄉里。鄉里之人以爲榮。皆曰大丈夫當如此矣。而吾亦自念。致身青雲之上。以爲父母妻子光榮。迴憶曩者貧賤無所知名。何啻霄壤。下視草茅寒素之士。亦不啻鴻鵠之於鷦雀也。於時頗自喜。其後官益尊。勢益盛。人之震耀而歆羨者益衆。而吾亦自顧而嘻。以爲富貴快一時之欲耳。千秋萬世。誰復知吾姓名者。乃發憤大肆力爲文章。斯時位望既崇。無所干求於時。一意以古之立言者自期。以蘄永於後世。舉向所爲投時好決科名之文。悉焚棄之。於是文日有名。天下之人交口推譽。以爲古之董仲舒賈誼司馬遷韓愈之徒。復出。而吾亦自以爲雖古作者不吾過也。於時益自得。顧念吾一身。前既貧且賤。又無所託以不朽。而後乃富厚極於一時。文章傳于後世。志得意滿。樂可知也。吾病時大概如此。已而病稍瘥。漸覺其身故在牀蓐間。又頗自疑。輒歎曰。吾非向所爲貴極富溢。又能以其文名一時者歟。豈病者歟。閒舉病中語示人。皆大笑。久之病已。始知吾向之所爲如是者。吾之狂惑者爲之也。非其真也。幻也。於是乃爽然

自失。然而方其病也。吾不自知其病也。恍惚如夢寐間。而吾又不自知其爲夢也。人世得失之遭。顯晦遲速之數。豈皆吾病類也。玉屏居士聞其言而歎曰。莊子云。必有大覺而後知此大夢。甚哉南華子之言之有似於南華經者也。遂爲之記。案公家居近玉屏山。故嘗自號玉屏居士。此文用意甚奇。生平學問志業已豫定於此。而集中不載。因具錄之。

二年癸亥 公年二十四歲

始應有司之試。與兄肫甫同案入學。縣試公第一。肫甫第二。府試肫甫第一。公第二。院試公仍第一。公生平於制科。一試輒中。無再應者。遊大觀亭故址記。今年應試皖城。始從方先生存之遊其地。先生曰。必有記。故記之。

三年甲子 公年二十五歲

六月。宣軍克金陵。十一月。江南舉行鄉試。中式第九名舉人。曾文正公日記。五月二十七日。閱桐城吳某所爲古文。方存之薦來。以爲義理考據詞章三者皆可成就。余觀之信然。不獨爲桐城後起之英也。案不獨爲桐城後起之英者。曾公知公之才非桐城宗派所能限也。又案

公祭存之文云搜我篋藏持獻相君知以文謁會公非公之本志公之不干貴勢方君之好賢庶士皆可紀也又公未見會公以前學業已自成就亦可徵之於此

十二月二十四日黎明入貢院寫榜闈墨極佳無一卷爲庸手所能者祭方存

之文云同治之初君客始旋吾初私學君聞謂賢招携觀游試使爲文搜我篋藏

持獻相君學匪禽犢有婉在顏東南清夷仲冬科舉已試強我入謁相府用下敬

上干冒是愆我官中書貧不自存相君愛士甄錄在門弘我道義博我藝文沾以

微祿使榮其親始媿且思卒賴之緣追維本初非君曷因案是年五月方存之已

一見至鄉舉後始被強入謁以會公座主不得不見也然亦記無干請至會試授

職後始入幕府據會公家訓云渠以本年運捷得內閣中書告假出京余勸令授不

必遲爾進京當差明年可至余幕中專心讀書多作古文云云是入幕乃會公所

勸公亦絕無干求也賢者立身難進易退蓋如此又案公生平無所師事獨於會

李二公稱師者以鄉舉時會爲江督李則聞甥監臨皆所謂受知師也又寶相

國望爲乙丑座主尺牘中稱師者惟此三人至於監臨詩文集所謂受知師也又寶相

四年乙丑 公年二十六歲

入京會試中式第八名進士以內閣中書用遂入會公幕案賀松坡所作行狀云

體而奇之拔置一甲先是今湖廣總督南皮張公以第三人及第其策不用當時